

BREGA - ... però in chi atim lì Muro al vedivan mia ormai, l'era noi con la nos squadra ... tant'è vero che pò ai port ad Piaseisa um truà di american, che poi l'eran in dnans a noi. Prima che mè, prima che la me squadra e di atar che gh'n'eran lì inturan gh'eran i suldà american. Cul ma lur i g'avan na radio... l'era un repart american parchè am ricord che g'avan so la testa da bò in sal... un bò...

MAGNANI - e gli eran american o brasilian?

BREGA - no american... propri nord american ... Gusleig gh'eran di nord american...

CARRA' - alura l'eran dal Texas eh eh

BREGA - pudiva vi dal Texas perché i g'avan propri una testa da bò cun di coran... gli eran propi nord american, chi lì ieran ad nans a noi...

MAGNANI - però i cumbativan mia... o sì? i stavan lè... o no?

BREGA - no no i sa spustavan... i andavan vers la cità... parchè poi fein ai mur dla cità sa sintivan un po' ad mitragliatrici azì... pò qualca sciupetà ... qualca finestra...

MAGNANI - siv acurdà con chi lè?

BREGA - no no nient... lur han fat par so coint, noi um fat par nos coint... lur i s'comunicavan tra lur... n'ava da dnans quatar o seincu, l'eran mia pò bota... i sa spustavan in base alla so diretiva, noi quasi quasi g'andavna drè po'... a dzivma... ho fat prest a raggiunà, ho dit “se chilur i g'an la radio i san si fan! i san indu i van... elura l'è pusè facil!”

MAGNANI - et vist al car armà... gh'era un car armà pò lè, di part lè?

BREGA - n'ho mai vist...